

Na osnovu člana 6. Zakona o komunalnim taksama („Službene novine Kantona Sarajevo“, broj: 8/22), članu 13. Zakona o principima lokalne samouprave („Službene novine Federacije BiH“ broj: 49/06 i 51/09), člana 55. stav 1. tačka 9. a u vezi sa članom 99. stav 3. alineja 5 Statuta Općine Ilijaš („Službene novine Kantona Sarajevo“ br. 20/09-prečišćeni tekst i 46/18), te člana 99. Poslovnika Općinskog vijeća Ilijaš („Službene novine Kantona Sarajevo“ br. 2/10, 18/15 i 7/19), Općinsko vijeće Ilijaš, na svojoj 16. redovnoj sjednici održanoj dana 29.04.2022. godine, d o n o s i

ODLUKU

o izmjeni i dopuni Odluke o visini komunalnih такси na području Općine Ilijaš

Član 1.

U Odluci o visini komunalnih такси na području Općine Ilijaš („Službene novine Kantona Sarajevo“ br. 13/22), član 2. dopunjava se stavom 2. koji glasi :

Izuzetno od odredbi stava 1. tačka a) ovog člana taksa se ne plaća na istaknutu firmu čija tabla ne prelazi dimenzije 200x300 milimetara.

Član 2.

U članu 12. dodaje se novi stav 4. koji glasi :

Fizička i pravna lica koja posluju na području mjesne nadležnosti Općine Ilijaš taksu na istaknutu firmu za 2022. godinu plaćaju u visini 40 % iznosa utvrđenog Tarifnim brojem 1.

Član 3.


Odluka stupa na snagu danom donošenja, a ista će biti objavljena u Službenim novinama Kantona Sarajevo.

Broj:01/1-02- 939-7 /22
Ilijaš, 29.04.2022. godine



Predsjedavajuća
Općinskog vijeća Ilijaš

Alma Omerović BA nov.





OPĆINSKI NAČELNIK

Broj : 01/1 – 02 – 602-4 / 22 NM
Ilijaš, 25.03.2022. godine

Bosna i Hercegovina
Federacija Bosne i Hercegovina
Kantonalni porezni ured Sarajevo
Porezna ispostava Ilijaš
Ul. Ivana Franje Jukića br. 2
71380 ILIJAŠ

PREDMET : Dostava Odluke o visini komunalnih taksi na području Općine Ilijaš,

U prilogu dopisa dostavljamo Vam na postupanje Odluku o visini komunalnih taksi na području Općine Ilijaš br. 01/1-02-602-4/2022 od 23.03.2022. godine usvojenu na 15. sjednic Općinskog vijeća Ilijaš.

S poštovanjem !

Prilog : Odluka x 1

Dostavljeno :

- naslov
- a / a



POMOĆNIK NAČELNIKA

vić

Na osnovu člana 6. Zakona o komunalnim taksama („Službene novine Kantona Sarajevo“, broj: 8/22), članova 8., 13. i 36. Zakona o principima lokalne samouprave („Službene novine Federacije BiH“ broj: 49/06 i 51/09), člana 55. stav 1. tačka 9. a u vezi sa članom 99. stav 3. alineja 5 Statuta Općine Ilijaš („Službene novine Kantona Sarajevo“ br. 20/09-prečišćeni tekst i 46/18), te člana 99. Poslovnika Općinskog vijeća Ilijaš („Službene novine Kantona Sarajevo“ br. 2/10, 18/15 i 7/19), Općinsko vijeće Ilijaš, na svojoj 15. redovnoj sjednici održanoj dana 23.03.2022. godine, d o n o s i

O D L U K U

o visini komunalnih taksi na području Općine Ilijaš

Član 1.

(Predmet)

Ovom Odlukom utvrđuju se kriteriji i visina komunalnih taksi (u daljem tekstu: taksa) za obveznike koji su registrovani i/ili posluju na području općine Ilijaš u skladu sa Zakonom o komunalnim taksama Kantona Sarajevo („Službene novine Kantona Sarajevo“ br. 8/22).

Član 2.

(Osnove za plaćanje takse)

Na području općine Ilijaš propisuje se i naplaćuje taksa za:

- a) Svaku istaknutu firmu,
- b) Držanje sredstava za igru i igre na sreću (bilijar, automati, fliperi, video igre, pikado i aparati za posebne igre na sreću),
- c) Poslovni prostor u kojem se priređuju klasične igre na sreću i posebne igre na sreću koje su definisane odredbama Zakona o igrama na sreću („Službene novine Federacije BiH“ broj: 48/15 i 60/15),
- d) Držanje i izvođenje muzike uživo u ugostiteljskim objektima,
- e) Isticanje objava, oglasa i saopćenja na javnim mjestima,
- f) Korištenje prostora na javnim mjestima za kampove (šatore, prikolice, motorna vozila svih kategorija),
- g) Postavljanje uređaja za isplatu i naplatu gotovine (bankomata) i
- h) Postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati).

Član 3.

(Definisanje pojmova)

U smislu ove Odluke:

- a) Pod nazivom firme podrazumijeva se : naziv firme pod kojim je takseni obveznik registrovan kod nadležnog organa, sjedište lica kao i broj, odnosno naziv poslovne jedinice kada se firma ističe na poslovnoj jedinici ;
- b) Pod istaknutom firmom smatra se oznaka, obilježje ili natpis na radnim i drugim prostorijama, na fasadi građevine u kojoj se nalaze radne prostorije ili van gabarita te građevine, na ulaznim vratima, izlazima/portalima ili unutar izloga radnih prostorija, kojima se označava da određeno pravno ili fizičko lice obavlja izvjesnu djelatnost ili zanimanje ;

- c) Držanje sredstava za igru (bilijar, automati, fliperi, video igre, pikado, aparati za posebne igre na sreću i sl.) podrazumijeva svaki uređaj kojim se naplaćuje provedeno vrijeme jednog ili više konzumenata takvih uređaja;
- d) Poslovni prostor u kojem se priređuju klasične igre na sreću i posebne igre na sreću podrazumijeva svaki prostor u kojem se priređuju klasične igre na sreću i/ili posebne igre na sreću;
- e) Držanje i izvođenje muzike uživo u ugostiteljskim objektima podrazumijeva povremeno ili svakodnevno izvođenje muzičkog programa uz pružanje ugostiteljskih usluga;
- f) Isticanje objava, oglasa i saopćenja podrazumijeva postavljanje stalnih ili privremenih banera, plakata, panoa, na javnim mjestima u štampanoj ili elektronskoj formi. Ovdje se svakako podrazumijeva reklamiranje brendova, proizvoda ili usluga koje pružaju pravne ili fizičke osobe, ili koje imaju svrhu putokaza prema mjestu sjedišta sponzora koji ih je postavio;
- g) Svako korištenje prostora na mjestima za kampove (šatore, prikolice i motorna vozila svih kategorija) podrazumijeva zauzimanje prostora za privremeni boravak od strane jedne ili više osoba;
- h) Postavljanje uređaja za isplatu i naplatu gotovine, (bankomata) podrazumijeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima;
- i) Postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati i sl.). U ovom slučaju se podrazumijeva postavljanje navedenih uređaja koji automatskom obradom podataka obračunavaju i naplaćuju razne vrste usluga bez osobnog posredovanja konzumenta sa pružaocem usluga koji može biti registriran kao fizička ili pravna osoba.

Član 4.

(Početak nastanka obaveze)

Taksena obaveza iz člana 2. stav 1. tačka a) ove Odluke nastaje danom izdavanja rješenja o registraciji poreznog obveznika.

Taksena obaveza iz člana 2. stav 1. tačke b) do h) ove Odluke nastaje u trenutku kada se počinje koristiti predmet ili usluga ili prostor za čije korištenje je ovom Odlukom propisano plaćanje takse.

Član 5.

(Obveznici)

Takseni obveznici su sve pravne i fizičke osobe registrirane za obavljanje djelatnosti koje posluju na području općine Ilijaš, odnosno osobe koje koriste predmet, prostor, ili pružaju usluge za čije korištenje je propisano plaćanje takse.

Član 6.

(Isticanje firme)

Pravna i fizička lica koje obavljaju djelatnost na osnovu odobrenja nadležnog organa dužna su na ulazu u ograđeni poslovno-proizvodni prostor ili na ulaz u poslovni objekat ili na ulaz u poslovni prostor gdje obavljaju poslovnu djelatnost istaknuti naziv firme.

Pod nazivom firme se podrazumijeva:

- a) naziv firme pod kojim je takseni obveznik registriran kod nadležnog organa odnosno naziv poslovne jedinice kada se firma ističe na poslovnoj jedinici;
- b) sjedište lica i broj.

Firma se ističe najkasnije danom početka obavljanja djelatnosti.

Ako je na radnim i drugim prostorijama, na fasadi građevine u kojoj se nalaze radne i druge prostorije ili van gabarita te građevine, istaknuta dva istovjetna imena, istaknutom firmom se smatra samo jedno, a sve ostalo je u tretmanu reklame.

Član 7.

(Podnošenje taksene prijave)

Prijavu za razrez takse porezni obveznik je dužan podnijeti Poreznoj ispostavi Ilijaš (u daljem tekstu: Porezna uprava) do kraja februara tekuće godine, prema stanju na dan 01. januar tekuće godine za koju se razrez vrši, odnosno u roku od 15 dana od datuma izdavanja rješenja o registraciji ako je porezni obveznik registrirao djelatnost u toku poslovne godine.

Izuzetno od stava 1. ovog člana prijava za razrez takse za 2022. godinu podnosi se do kraja aprila 2022. godine, prema stanju na dana 01. januar 2022. godine.

Promjene nastale poslije 01. januara tekuće godine, odnosno u toku godine, porezni obveznik je dužan prijaviti Poreznoj upravi najkasnije u roku od 15 dana od dana nastanka promjene.

Takseni obveznici iz člana 2. stav 1. tačka c), d), e), f), g) i h) dužni su najkasnije tri dana prije početka obavljanja djelatnosti ili aktivnosti prijaviti Poreznoj upravi dan početka i dan prestanka djelatnosti ili aktivnosti.

Ako takseni obveznik u propisanom roku ne podnese prijavu, ili dostavi netačne podatke, prijavu takse će izvršiti Porezna uprava u roku od 15 dana u skladu sa odredbama Zakona o Poreznoj upravi Federacije BiH i podzakonskim aktima.

Član 8.

(Obračun i način plaćanja)

Taksa iz člana 2. ove Odluke se obračunava i plaća na način iz:

Tačke a) – jednom u toku kalendarske godine u roku od petnaest dana po isteku roka za prijavljivanje takse. Taksa za istaknutu firmu razrezuje se i plaća u godišnjem iznosu za istaknutu firmu zatečenu na dan 01. januar godine za koju se vrši razrez, srazmjerno periodu isticanja, a za istaknutu firmu koja se ističe u toku godine, u visini koja odgovara srazmjerno vremenu isticanja firme do kraja godine ;

Tačke b) – jednom u toku kalendarske godine, po jednom sredstvu za omogućavanje igara u roku od petnaest dana po isteku roka za prijavljivanje takse;

Tačke c), d), e), f), g) i h) - u roku od pet dana od isteka sedmice u kojoj je nastala taksena obaveza.

Član 9.

(Otpis takse)

U slučaju smrti taksenog obveznika fizičkog lica i trajnog prestanka obavljanja registrovane djelatnosti iza kojeg nije ostala pokretna i nepokretna imovina iz koje bi se mogla naplatiti taksa, Općinskog vijeće Ilijaš na prijedlog Općinskog načelnika otpisuje taksu.

Zahtjev za otpis takse Općini podnosi zakonski nasljednik taksenog obveznika.

Član 10.
(Zone)

I ZONA

Zona počinje iz tačke koja predstavlja granicu općine Ilijaš i općine Breza koja ima koordinate $Y = 6520741$; $X = 4871132$ odakle ide u pravcu sjeverozapada do rijeke Stavnje obuhvatajući ulicu Stavnja Han, kojom nizvodno nastavlja sve do mosta na istoj na autocesti. Tu granica lomi u pravcu jugoistoka, proteže se autocestom do mosta na rijeci Bosna obuhvatajući Moševićku ulicu. Dalje granica nastavlja uzvodno rijekom Bosna sve do mosta za naselje Kadarići. Tu granica lomi u pravcu sjeveroistoka i putem za Kadariće izlazi na Regionalnu cestu, kojom dalje nastavlja do skretanja za Bioču, ulicama Bosanski put i Stari Ilijaš obuhvatajući objekte i sa jedne i sa druge strane navedenih ulica, vraća se istim sve do skretanja za Karašnicu. Dalje granica nastavlja ulicom Starog grada Dubrovnika, sijeće ulicu 126. Ilijaške brigade i izlazi na krivinu u ulici Bogumilska, kojom dalje ide sve do spoja sa ulicom Ivana Franje Jukića. Granica dalje ide ulicom Ivana Franje Jukića do spoja sa ulicom Hašima Spahića, nastavlja istom do spoja sa ulicom Alića Gaj, kojom nastavlja sve do spoja sa ulicom Novo Naselje. Istom dalje nastavlja do spoja sa ulicom I. mart kojom se proteže sve do spoja sa ulicom Žrtava genocida Srebrenica i dalje ulicom Žrtava genocida Srebrenica do spoja sa ulicom Makljen, kojom dalje nastavlja sve do pružnog prelaza za naselje Sovrle. Dalje granica zone nastavlja Brezanskom ulicom sve do tačke iz koje je opis i počeo

II ZONA

Zona obuhvata naseljena mjesta Odžak, Lješevno, Banjer, Ljubnići, Balibegovići, Kadarići, Podlugovi (osim dijela opisanog kao Zona I), Sovrle (osim dijela opisanog kao Zona I), Mrakovo (osim dijela opisanog kao Zona I), Popovići, Donja Misoča, Gornja Misoča, Vlaškovno, Karaula, Luka, Donja Bioča, Gornja Bioča, Ribarići, Malešići.

III ZONA

Obuhvata sva ostala područja na teritoriji općine Ilijaš.

Član 11.
(Visina takse)

Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojima se označava da određeno pravno ili fizičko lice obavlja izvjesnu djelatnost ili zanimanje na području Općine Ilijaš, utvrđuje se i plaća godišnja taksa.

Ako obveznik takse-pravno ili fizičko lice posluje i obavlja različite djelatnosti u jednom ili više objekata ili poslovnih jedinica na području općine Ilijaš taksu na istaknutu firmu plaća shodno registrovanoj djelatnosti tog objekta ili poslovne jedinice.

Obveznik takse-pravno ili fizičko lice sa više poslovnih jedinica, bez obzira dali im je poslovno sjedište na području općine Ilijaš, za prvu poslovnu jedinicu (filijalu, ekspozituru, podružnicu, šalter i sl), bilo da je riječ o istoj adresi ili izdvojenoj lokaciji van poslovnog sjedišta na području općine Ilijaš plaća obavezu komunalne takse na istaknutu firmu u 100% iznosu, a za svaku narednu poslovnu jedinicu obaveza se umanjuje za 20% od iznosa propisanog za tu zonu.

Tarifni broj 1.

- a) Obrtnici/samostalni poduzetnici odnosno fizička lica kojima je shodno Zakonu i Pravilniku o porezu na dohodak odobreno plaćanje poreza na dohodak u paušalnom iznosu (paušalci) utvrđuje se i plaća godišnja taksa na istaknutu firmu u iznosu od 60,00 KM;
- b) Obrtnici/samostalni poduzetnici, odnosno fizička lica koja obavljaju poslovnu djelatnost, iznos takse na istaknutu firmu uplaćuje se kako slijedi:

OBRTNICI/SAMOSTALNI PODUZETNICI	I zona	II zona	III zona
Iznos takse za lica koja su imala prihod u prethodnoj godini manji od 30.000,00 KM, se uplaćuje u iznosu	100,00 KM	80,00 KM	60,00 KM
Iznos takse za lica koja su imala prihod u prethodnoj godini veći od 30.000,00 KM, a manji od 60.000,00 KM, se uplaćuje u iznosu	200,00 KM	150,00 KM	100,00 KM
Iznos takse za lica koja su imala prihod u prethodnoj godini veći od 60.000,00 KM, a manji od 100.000,00 KM, se uplaćuje u iznosu	300,00 KM	250,00 KM	200,00 KM
Iznos takse za lica koja su imala prihod u prethodnoj godini veći od 100.000,00 KM, se uplaćuje u iznosu	400,00 KM	350,00 KM	300,00 KM

- c) Pravna lica – koja su shodno članu 5. Zakonu o računovodstvu i reviziji Federacije Bosne i Hercegovine („Službene novine Federacije BiH“ broj: 15/21) razvrstana na:

➤ mikro pravna lica :

Mikro pravna lica	I zona	II zona	III zona
Iznos takse za lica koja su imala prihod u prethodnoj godini manji od 100.000,00 KM, se uplaćuje u iznosu	500,00 KM	450,00 KM	400,00 KM
Iznos takse za lica koja su imala prihod u prethodnoj godini veći od 100.000,00 KM, a manji od 500.000,00 KM, se uplaćuje u iznosu	650,00 KM	600,00 KM	550,00 KM
Iznos takse za lica koja su imala prihod u prethodnoj godini veći od 500.000,00 KM, se uplaćuje u iznosu	800,00 KM	700,00 KM	600,00 KM

➤ mala, srednja i velika pravna lica:

Veličina pravnog subjekta	I zona	II zona	III zona
MALO	2.000,00 KM	1.750,00 KM	1.500,00 KM
SREDNJE	3.500,00 KM	3.000,00 KM	2.600,00 KM
VELIKO	5.000,00 KM	4.300,00 KM	3.750,00 KM

Tarifni broj 2.

Za držanje, odnosno korištenje sredstava za igru i igre na sreću, taksa se plaća godišnje i to po jednom komadu, odnosno predmetu i aparatu :

- a) na bilijar stolove, automate, flipere, video igre, pikado i druga sredstva za igre 800 KM;
- b) na aparate za posebne igre na sreću koji donose novac2.000 KM.

Tarifni broj 3.

Za svaki poslovni prostor u kojem se priređuju klasične igre na sreću i posebne igre na sreću priređivač igara je dužan uplatiti jednom godišnje taksu u iznosu od 10.000,00 KM.

Tarifni broj 4.

Za držanje i izvođenje muzike uživo u ugostiteljskim objektima plaća se dnevno taksa u iznosu od 100 KM.

Tarifni broj 5.

Za isticanje objava, oglasa i saopštenja (plakata i panoa) na javnim mjestima određenim za te namjene plaća se taksa i to:

- a) za seriju do 100 komada 100 KM
- b) za seriju preko 100 komada 200 KM
- c) za postavljanje stalnih panoa po 1m² 10 KM godišnje
- d) za postavljanje LED displeja po 1m² 500 KM godišnje

Tarifni broj 6.

Za korištenje slobodnih površina odnosno prostora na javnim mjestima za kampove (šatore, prikolice i motorna vozila svih kategorija),:

- a) za svaki šator 2 KM
- b) za kamp prikolicu 1 KM
- c) za motorno vozilo 1 KM

Naplatu i uplatu takse iz stava 1 ovog člana vrši lice koje upravlja slobodnim površinama.

Tarifni broj 7.

Za postavljanje uređaja za isplatu i naplatu gotovine (bankomata), plaća se godišnje taksa po jednom uređaju u iznosu od 500 KM.

Tarifni broj 8.

Za postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati i parkomati), plaća se godišnje taksa po jednom uređaju u iznosu od 200 KM.

Član 12.

(Umanjenje komunalne takse)

Fizička ili pravna lica sa područja općine Ilijaš koja prvi put registruju privrednu ili uslužnu djelatnost oslobađaju se plaćanja takse do kraja tekuće fiskalne godine.

Obveznicima takse koji obavljaju djelatnost tradicionalnih i starih zanata-obrta koji su utvrđeni u Uredbi za zaštitu tradicionalnih i starih obrta („Službene novine Federacije BiH“, br.66/09, 38/10 i 16/12) taksa na istaknutu firmu se razrezuje u iznosu od 50%.

Taksa na istaknutu firmu fizička ili pravna lica koja su na osnovu rješenja nadležnog organa prestala obavljati djelatnost u toku obračunskog perioda, će se obračunati za broj dana u kojima se obavljala djelatnost.

Član 13.

(Oslobađanja od plaćanja takse)

Od plaćanja takse oslobođeni su :

- a) institucije Bosne i Hercegovine,
- b) organi, organizacije i javne ustanove Federacije Bosne i Hercegovine, Kantona i općine
- c) humanitarne i dobrotvorne organizacije iz osnovne djelatnosti,
- d) udruženja koja ne obavljaju privrednu djelatnost,
- e) vojni invalidi od plaćanja takse iz člana 2. stav 1. tačka a) i f) ove Odluke,
- f) lica kojima je rješenjem nadležnog organa priznato svojstvo člana porodice poginulih, umrlih, nestalih i zarobljenih boraca, ratnih vojnih invalida i civilne žrtve rata,
- g) privredna društva za zapošljavanje lica sa invaliditetom ;

Član 14.

(Uplata takse)

Takse se uplaćuje na Depozitni račun Općine Ilijaš sa vrstom prihoda 722322 i prihod je Budžeta Općine.

Član 15.

(Povrat viška uplaćene takse)

Povrat više ili pogrešno uplaćene takse na istaknutu firmu vrši se prema odredbama Pravilnika o načinu uplate javnih prihoda budžeta i izvanbudžetskih fondova na teritoriji Federacije Bosne i Hercegovine.

Član 16.

(Započeti neokončani postupci)

Postupci razreza visine iznosa takse koji nisu pravosnažno okončani do dana stupanja na snagu ove Odluke, bit će okončani prema odredbama propisa koji su važili u trenutku nastanka taksene obaveze.

Član 17.

(Stvarno nadležni organi za provođenje ove Odluke)

Za provođenje ove Odluke zadužuje se Kantonalni porezni ured Sarajevo – Porezna ispostava Ilijaš.

Porezna uprava će Općini Ilijaš dostavljati izvještaj o prijavi/uplati taksenih obaveza i to dva puta godišnje, za prvu polovinu tekuće godine do 31.07. i za drugu polovinu tekuće godine do 31.01. naredne godine.

Služba za privredu i finansije Općine Ilijaš će vršiti povremene kontrole prijava i usklađenosti podataka sa Poreznom upravom.

Član 18.

(Primjena Odluke)


Stupanjem na snagu ove Odluke prestaje da važi Odluka o visini komunalnih taksi na području Općine Ilijaš („Službene novine Kantona Sarajevo“, br. 6/18 i 50/18).

Član 19.

(Stupanje na snagu)

Ova Odluka stupa na snagu danom objavljivanja u „Službenim novinama Kantona Sarajevo“.

Broj: 01/1-01-602-4/2022
Ilijaš, 23.03.2022. godine



Predsjedavajuća
Općinskog vijeća Ilijaš
Alma Omerović, BA nov.





OPĆINSKI NAČELNIK

Broj : 01/ 1 – 02 – 602-4 / 22 NM
Ilijaš, 01.04.2022. godine

Bosna i Hercegovina
Federacija Bosne i Hercegovine
Porezna uprava Federacije BiH
Kantonalni porezni ured Sarajevo
Porezna ispostava Ilijaš
Ul. Ivana Franje Jukića br. 2
71380 ILIJAŠ

PREDMET : Dostava Odluke o visini komunalnih taksi na području Općine Ilijaš,

U prilogu dopisa dostavljamo Vam na dalje postupanje **Odluku o visini komunalnih taksi na području Općine Ilijaš br. 01/1-02-602-4/2022** od 23.03.2022. godine usvojenu na 15. sjednici Općinskog vijeća Ilijaš, a koja je objavljena u „**Službenim novinama Kantona Sarajevo**“ br. **13/22** od **31.03.2022.** godine, kada je i stupila na snagu. Danom stupanja na snagu navedene Odluke (31.03.2022.godine), prestaje da važi Odluka o visini komunalnih taksi na području Općine Ilijaš (Službene novine Kantona Sarajevo br. 6/18 i 50/18).

S poštovanjem !

Dostavljeno :

- naslov
- a / a



POMOĆNIK NAČELNIKA

erima

Na osnovu člana 3. Zakona o komunalnim taksama (Službene novine Kantona Sarajevo broj 14/06-Prečišćen tekst, 34/07, 2/08- Ispravka, 31/12 i 36/12-Ispravka), člana 13. Stav 2. Zakona o principima lokalne samouprave u Federaciji Bosne i Hercegovine (Službene novine Federacije Bosne i Hercegovine“ br. 39/06 i 51/09), člana 55. i 104. Statuta općine Ilijaš-prečišćeni tekst ("Službene novine Kantona Sarajevo" broj 20/09) te člana 99. Poslovnika Općinskog vijeća Ilijaš ("Službene novine Kantona Sarajevo" broj 2/10 i 18/15), Općinsko vijeće Ilijaš na svojoj XVI sjednici održanoj dana 30.01.2018. godine, donijelo je:

ODLUKU

o visini komunalnih taksa

I OPĆE ODREDBE

Član 1.

Ovom Odlukom utvrđuje se visina komunalnih taksa (u daljem tekstu : takse) po predmetima i uslugama u skladu sa Zakonom o komunalnim taksama Kantona Sarajevo (u daljem tekstu : Zakon) koje se plaćaju na području Općine Ilijaš (u daljem tekstu : Općina).

Član 2.

Takse se plaćaju za :

- a) svaku istaknutu firmu,
- b) iznajmljivanje nekretnina licima koja nisu državljani Bosne i Hercegovine,
- c) držanje, odnosno korištenje sredstava za igru (bilijar, automati, fliperi, video igre, pikado, aparati za posebne igre na sreću i sl.),
- d) držanje žive muzike u ugostiteljskim objektima,
- e) isticanje plakata i panoa na javnim mjestima,
- f) korištenje prostora za kampove (šatore, prikolice, automobile)

Član 3.

Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojim se označava da određeno pravno ili fizičko lice obavlja izvjesnu djelatnost ili zanimanje, utvrđuje se godišnja taksa.

Visina takse iz prethodnog stava utvrđuje se prema vrsti djelatnosti i zoni u kojoj se nalazi poslovna ili druga prostorija, objekt i mjesto na kojem je istaknuta firma, oznaka, obilježje ili natpis.

Član 4.

Utvrđuju se zone po ulicama u skladu sa članom 3. stav 2. ove Odluke i to :

- a) I ZONA
Ulice Hašima Spahića, Omladinska, Kakanjska, 126. Ilijaške brigade, Stari Grad Dubrovnik, Ivana Frane Jukića, Bogumilska, 28. Juli, Bosanski put, Žrtava genocida u Srebrenici, Moševićka, Polomska i Banovac, uz regionalni put Sarajevo-Visoko naselja i ulice : Bosanski put, Stari Ilijaš, Malešići, Luka, Mlini, Podlugovi i Lješevu do granice Kantona Sarajevo, naselja : INA, Makljen, Novo Naselje, Mrakovo do ambulante u Mrakovu.
- b) II ZONA
Ostale ulice i naselja koja nisu obuhvaćena I zonom

II TARIFA KOMUNALNIH TAKSI

Član 5.

Tarifni broj 1.

Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojima se označava da određeno pravno ili fizičko lice obavlja izvjesnu djelatnost ili zanimanje plaća se godišnja taksa po određenim djelatnostima i zonama kako slijedi :

	DJELATNOST	I ZONA	II ZONA
		KM	
1.	oblast distribucije nafte i naftnih derivata	4.000	3.600
2.	oblast proizvodnje i prerade duhana	10.000	9.000
3.	oblast proizvodnje alkoholnih pića i piva	10.000	9.000
4.	oblast proizvodnje bezalkoholnih pića	2.000	1.800
5.	oblast telekomunikacija (sjedište)	10.000	9.000
6.	oblasti telekomunikacija (izdvojene lokacije van sjedišta)	2.000	1.800
7.	oblasti bankarstva (sjedište)	10.000	9.000
8.	oblast bankarstva (izdvojene lokacije izvan sjedišta podružnice, filijale, ekspoziture)	5.000	4.500
9.	izdvojeni bankomati i šalteri banaka	1.000	900
10.	mjenjačnice	1.000	900
11.	oblast poštanskih usluga (sjedište)	5.000	4.500
12.	oblast poštanskih usluga (izdvojene lokacije)	500	450
13.	oblast poštanskih usluga (izdvojeni šalteri)	300	270
14.	oblast brokerskih kuća i lizinga (sjedište)	4.500	4.050
15.	oblast brokerskih kuća i lizinga (izdvojene lokacije izvan sjedišta)	1.000	900
16.	oblast mikrokreditnih organizacija (sjedište)	2.500	2.250
17.	oblast mikrokreditnih organizacija (izdvojene lokacije izvan sjedišta)	750	675
18.	oblast osiguranja i reosiguranja i posredovanje u osiguranju i reosiguranju (sjedište)	10.000	9.000
19.	oblast osiguranja i reosiguranja i posredovanja u osiguranju i reosiguranju (filijala- podružnica)	1.500	1.350
20.	oblast osiguranja i reosiguranja i posredovanja u osiguranju i reosiguranju (izdvojeni šalteri)	500	450
21.	Iz oblasti igara na sreću i to:		
	a) lutrija, loto, sportska prognoza, TV bingo (sjedište pravnog lica)	15.000	13.500
	b) lutrija, loto, sportska prognoza, TV bingo (svaka druga lokacija)	2.000	1.800
	c) kasino (sjedište)	12.000	10.800

	d) kasino (svaka druga lokacija)	2.000	1.800
	e) sportske kladionice (sjedište)	12.000	10.800
	f) sportske kladionice (svaka druga lokacija)	2.000	1.800
	g) tombola i bingo u zatvorenom prostoru	5.000	4.500
22.	aparati za samoposluživanje na stalnim lokacijama	300	270
23.	aparati za samoposluživanje na ostalim lokacijama	200	180
24.	oblast proizvodnje i distribucije električne energije (sjedište)	1.500	1.350
25.	oblasti proizvodnje i distribucije električne energije (podružnice ili službe)	500	450
26.	oblasti proizvodnje električne energije u mini elektranama	200	180
27.	oblasti vanjske trgovine i trgovine na veliko	500	450
28.	tržni centri, hipermarketi i poslovni centri	5.000	4.500
29.	tržnice i pijace	1.500	1.350
30.	oblast trgovine na malo :		
	a) koja se obavlja u kioscima	200	180
	b) koja se obavlja u ostalim prodajnim mjestima	300	200
	c) trgovac pojedinac	50	50
31.	posredništvo u trgovini	750	675
32.	oblast ugostiteljstva- hoteli	1.200	1.080
33.	oblast ugostiteljstva- moteli i pansioni	1.000	900
34.	oblast ugostiteljstva- prenoćišta	500	450
35.	oblast ugostiteljstva- ostali objekti	500	450
36.	putničke agencije i renta car agencije	750	675
37.	prijevoz robe motornim vozilima	100	90
38.	prijevoz putnika	300	270
39.	prijevoz putnika taxi automobilima	50	45
40.	auto kuće i auto saloni	2.000	1.800
41.	skladišta i otpadi	1.500	1.350
42.	u advokatskoj djelatnosti	1.000	900
43.	u notarskoj djelatnosti	2.000	1.750
44.	privatna zdravstvena zaštita	500	450
45.	revizorske kuće	750	675
46.	knjigovodstvene agencije	500	450
47.	agencije za posredovanje	1.000	900
48.	agencije za nekretnine	1.000	900
49.	apoteke (sjedište)	1.000	900
50.	apoteke (izvan sjedišta)	300	270

51.	biljne apoteke (sjedište)	300	270
52.	biljne apoteke (izvan sjedište)	200	180
53.	oblast građevinarstva	500	450
54.	samostalne obrtničke radnje	50	45
55.	samostalni poljoprivrednici (stočarstvo i pčelarstvo)	50	45
56.	domaća radinost i fijakeristi	50	45
57.	iz oblasti ostalih nespomenutih djelatnosti	100	90

Ako se pod jednom firmom obavlja više djelatnosti za koje je propisana različita taksa, taksa se razrezuje i plaća za djelatnost za koju je propisana najviša taksa, izuzev djelatnosti koja se, zbog prirode djelatnosti, obavlja na izdvojenom lokalitetu.

Ako je za tekuću godinu plaćena taksa, a u toku godine se promijeni sjedište ili vlasnik firme, taksa se za tu godinu ne razrezuje.

Taksa za istaknutu firmu razrezuje se i plaća u godišnjem iznosu za istaknutu firmu zatečenu na dan 01. Januar godine za koju se razrez vrši, srazmjerno periodu isticanja, a za istaknutu firmu koja se ističe u toku godine, u visini koja odgovara srazmjerno vremenu isticanja do kraja godine.

Obaveznici takse koji obavljaju djelatnost tradicionalnih i starih zanata-obrta koji su utvrđeni Uredbom o zaštiti tradicionalnih i starih obrta („Službene novine Federacije Bosne i Hercegovine“ br. 66/09, 38/10 i 16/12) taksa se razrezuje u iznosu od 50 %.

Tarifni broj 2.

Za iznajmljivanje nekretnina licima koja nisu državljani BiH za jedno lice plaća se taksa dnevna taksa od 1,5 KM.

Naplatu takse iz stava 1. vrši lice, odnosno vlasnik nekretnine koja se izdaje.

Tarifni broj 3.

Za držanje, odnosno korištenje sredstava za igru, po jednom komadu, odnosno predmetu i aparatu plaća se godišnja taksa na:

- a) bilijar stolove, flipere, automate, pikado i dr. sredstva za igre gdje je dobitak isključivo u određenom broju igara 800 KM
- b) aparate koji donose novac 2.000 KM

Pod aparatima koji donose novac podrazumijevaju se elektronski ili mehanički aparati koji tokom igre omogućuju igraču dobitak u novcu ili žetonima koji su naplativi u novcu.

Taksa za držanje sredstava za igru razrezuje se i plaća unaprijed u godišnjem iznosu za sredstva za igru zatečena na korištenju taksenog obveznika na dan 01. januar godine za koju se razrez vrši, srazmjerno periodu korištenja, odnosno periodu držanja, a za sredstva za igru koja su se počela koristiti, odnosno držati, u toku godine u visini koja odgovara srazmjerno vremenu od dana držanja do kraja godine.

Tarifni broj 4.

Za držanje žive muzike u ugostiteljskim objektima plaća se taksa dnevno u iznosu od 50 KM.

Tarifni broj 5.

Za zauzimanje trotoara, javnih i slobodnih površina plaća se:

- | | |
|--|------|
| a) za postavljanje stolova ispred ugostiteljskih objekata, poslastičarnica i drugih objekata u svrhu pružanja ugostiteljskih usluga plaća se, taksa po jednom stolu dnevno | 2 KM |
| b) za postavljanje stolova, pulteva, tezgi, stolova i dr. za prodaju knjiga, razglednica, bižuterije i drugih proizvoda plaća se, taksa po prodajnom mjestu dnevno | 1 KM |

Tarifni broj 6.

Za isticanje plakata i panoa na javnim mjestima određenim za te namjene plaća se jednokratno taksa i to:

- | | |
|---|--------|
| a) seriju do 100 kom | 100 KM |
| b) seriju preko 100 kom | 100 KM |
| c) za postavljanje stalnih panoa i displeja po 1 m ² | 10 KM |

Tarifni broj 7.

Za korištenje slobodnih površina za kampove (šatore, prikolice, automobile), deponije materijala i drugu privremenu upotrebu plaća se dnevno taksa i to:

- | | |
|-------------------|------|
| a) svaki šator | 2 KM |
| b) kamp prikolicu | 1 KM |
| c) automobil | 1 KM |

Naplatu takse po ovom tarifnom broju vrši lice koje upravlja slobodnim površinama.

III PLAĆANJE TAKSA I PRIHODI

Član 6.

Taksa se plaća u gotovom novcu.

Taksa se uplaćuje u korist depozitnog računa Općine Ilijaš, kod ugovorene organizacije za obavljanje platnog prometa.

Prihodi ostvareni plaćanjem taksi propisanim ovom odlukom su prihodi Budžeta Općine Ilijaš u 100 % iznosu.

Član 7.

Poduzetnici sa područja Općine Ilijaš koji prvi put pokreću privrednu ili uslužnu djelatnost oslobađaju se plaćanja komunalne takse u trajanju od godinu dana, od dana osnivanja.

Zahtjev za oslobađanje od plaćanja takse podnosi se Poreznoj upravi – Porezna ispostava Ilijaš.

IV ZAVRŠNE ODREDBE

Član 8.

Stupanjem na snagu ove Odluke prestaju da važe :

- Odluka o visini komunalnih taksi po predmetima i uslugama za čije se korištenje plaća taksa („Službene novine Kantona Sarajevo“ br. 39/05),
- Odluka o izmjeni Odluke o visini komunalnih taksa po predmetima i uslugama za čije se korištenje plaća taksa („Službene novine Kantona Sarajevo“ br. 41/07),
- Odluka o izmjeni Odluke o visini komunalnih taksa po predmetima i uslugama za čije se korištenje plaća taksa („Službene novine Kantona Sarajevo“ br. 14/08),
- Odluka o izmjeni Odluke o visini komunalnih taksa po predmetima i uslugama za čije se korištenje plaća taksa („Službene novine Kantona Sarajevo“ br. 31/10),
- Odluka o izmjeni Odluke o visini komunalnih taksa („Službene novine Kantona Sarajevo“ br. 1/13),

Član 9.

Odluka stupa na snagu danom objavljivanja u Službenim novinama Kantona Sarajevo.

Broj:01/1-02-189-9/18
Ilijaš, 30.01.2018. godine

Predsjedavajući
Općinskog vijeća Ilijaš

Mahir Dević, prof

Na osnovu člana 3. Zakona o komunalnim taksama (Službene novine Kantona Sarajevo broj 14/06-Prečišćen tekst, 34/07, 2/08-Ispravka, 31/12, 36/12-Ispravka i 28/18), člana 13. stav 2. Zakona o principima lokalne samouprave u Federaciji Bosne i Hercegovine (Službene novine Federacije Bosne i Hercegovine“ br. 39/06 i 51/09), člana 55. i 104. Statuta općine Ilijaš-prečišćeni tekst ("Službene novine Kantona Sarajevo" broj 20/09 i 46/18) te člana 99. Poslovnika Općinskog vijeća Ilijaš ("Službene novine Kantona Sarajevo" broj 2/10 i 18/15), Općinsko vijeće Ilijaš na svojoj XXV sjednici održanoj dana 28.11.2018. godine, donijelo je:

ODLUKU

o izmjeni odluke o visini komunalnih taksa

Član 1.

U Odluci o visini komunalnih taksa („Službene novine Kantona Sarajevo“ br. 6/18) član 5. Tarifni br. 1. tačke 8., 9., 27., 29., 30.a., 30.b., 31., 32., 33., 36., 48., 55. i 56. mijenjaju se i glase :

	DJELATNOST	I ZONA	II ZONA
		KM	
8.	oblast bankarstva (izdvojene lokacije izvan sjedišta podružnice, filijale, ekspoziture)	3.000	2.500
9.	izdvojeni bankomati i šalteri banaka	500	450
27.	oblasti vanjske trgovine i trgovine na veliko	200	150
29.	tržnice i pijace	500	450
30.	oblast trgovine na malo :		
	a) koja se obavlja u kioscima	100	80
	b) koja se obavlja u ostalim prodajnim mjestima	150	100
31.	posredništvo u trgovini	500	450
32.	oblast ugostiteljstva- hoteli	1.000	800
33.	oblast ugostiteljstva- moteli i pansioni	800	700
36.	putničke agencije i renta car agencije	500	450
48.	agencije za nekretnine	500	450
55.	samostalni poljoprivrednici (stočarstvo i pčelarstvo)	25	20
56.	domaća radinost i fijakeristi	25	20

Član 2.

Odluka stupa na snagu danom objavljivanja u Službenim novinama Kantona Sarajevo.

Broj:01/1-02-____/18
Ilijaš, 28.11.2018. godine

Zamjenik predsjedavajućeg
Općinskog vijeća Ilijaš

Alen Hasković MA šum.



Član 10.
(Zone)

I ZONA

Opis zone počinje iz tačke koja predstavlja granicu općine Ilijaš i općine Breza koja ima koordinate $Y = 6520741$; $X = 4871132$ odakle ide u pravcu sjeverozapada do rijeke Stavnje obuhvatajućiu ulicu Stavnja Han, kojom nizvodno nastavlja sve do mosta na istoj na autocesti. Tu granica lomi u pravcu jugoistoka, proteže se autocestom do mosta na rijeci Bosna obuhvatajući Moševićku ulicu. Dalje granica nastavlja uzvodno rijekom Bosna sve do mosta za naselje Kadarići. Tu granica lomi u pravcu sjeveroistoka i putem za Kadariće izlazi na Regionalnu cestu, kojom dalje nastavlja do skretanja za Bioču, ulicama Bosanski put i Stari Ilijaš obuhvatajući objekta i sa jedne i sa druge strane navedenih ulica, vraća se istim sve do skretanja za Karašnicu. Dalje granica nastavlja ulicom Starog grada Dubrovnika, sijeće ulicu 126. Ilijaške brigade i izlazi na krivinu u ulici Bogumilska, kojom dalje ide sve do spoja sa ulicom Ivana Franje Jukića. Granica dalje ide ulicom Ivana Franje Jukića do spoja sa ulicom Hašima Spahića, nastavlja istom do spoja sa ulicom Alića gaj, kojom nastavlja sve do spoja sa ulicom Novo Naselje. Istom dalje nastavlja do spoja sa ulicom 1. mart kojom se proteže sve do spoja sa ulicom Žrtava genocida Srebrenica i dalje ulicom Žrtava genocida Srebrenica do spoja sa ulicom Makljen, kojom dalje nastavlja sve do pružnog prelaza za naselje Sovrle. Dalje granica zone nastavlja Brezanskom ulicom sve do tačke iz koje je opis i počeo.

II ZONA

Zona obuhvata naseljena mjesta Odžak, Lješevno, Banjer, Ljubnići, Balibegovići, Kadarići, Podlugovi (osim dijela opisanog kao Zona I), Sovrle (osim dijela opisanog kao Zona I), Mrakovo (osim dijela opisanog kao Zona I), Popovići, Donja Misoča, Gornja Misoča, Vlaškovo, Karaula, Luka, Donja Bioča, Gornja Bioča, Ribarići, Malešići.

III Zona

Obuhvata sva ostala područja na teritoriji općine Ilijaš.

Prilog: Grafički prikaz Zone I